

Общественно-политическая газета
Ханты-Мансийского автономного округа – Югры

ХАНТЫ ЯСАҢ



www.khanty-yasang.ru

ПЯТНИЦА
19 сентября 2014 года
№ 18 (3414)

Основана 1 ноября 1957 года



Ханты неннән Лилия Иосифовна Цуканова (Гришкина) па
Альбина Леонидовна Мазур (Гришкина)

Р. Ользина верум хур

Тәм номерән дўнтаты

2-3

Хәннехә вәдты
щир оләңән
декларация
непек

3-6

Шуши мир вәдты
щир мўвтед мир
верәт вантты па
тўңматты тәхи
декларация непек

8

Нуви сәңхум вошн
дўңән нявремәт
пәты «Сўдтумие»
рўтьщәты тәхи
рәпитәс

12-13

Хутыса
Сәрханл районән
Сытомино кәртәң
шуши ёх вәлдәт

14-15

Кәт яйңән
– нәмәсңән
Александр па
Сергей Пилипец
вәлупсы оләңән

Ханнехэ вэлты щир олаңан декларация непек

Ханнехэ вэлты щир олаңан декларация непек 1948-мит олн ван хятл тыдэш 10-митн Объединённой Национайт Организация (елды лүнтаты Мүвтел мир верат вантты па тўңматты тахи) Генеральной Ассамблея тахи унтасн вўсы.

Мет олаң ясән

Вўянтман арташты, ханнехэ хотаң мира ям вэлупсы арталды, па вельня, вешкат па лэхсаң вэлты щир тывл, хән мир имуртән яма вэлдәт; па

вўянтман арташты, атма вантман па верман ханнехэ вэлты щир кулашты падалясты, щит ханнехэ едем па атум ут, тамаш вэлупсы верты, хута мир веритләт путартты па вельня аң палман, нўша аң тайман, мира нух адмәсты, па

вўянтман арташты, щит мосл, ләдн ханнехэ вэлты щир кәша ех поступсы щирн ат лавәлсы, ханнехэ ад юхтәс шимәш ута, хән юхи хәшумн, атум па лавәрт вэлупсы пурайн күтәңа аң йис; па

вўянтман арташты, мирәт күтәдн лэхсаңа вэлты щира елды нәтты; па

вўянтман арташты, ияха пилтум мирәт тахи мет вулаң поступсийн вулаң вэлты щирәт арталәсәт, тынәң ханнехэ сурт па хә муй па ими исыр вэлты щир па нәтупсы верәт па вән вельня вэлупсы йирәт нух алумты; па

вўянтман арташты, там пәты худыева верты утәт мосл вэлты щирн па вельня вантман верты, Вулаң Ассамблея,

Там декларация непек ханнехэ вэлты щирәт елды арталәд,

хута ияха лүнтәсты мирәт па мўвәт щитәт верты па ләщәтты ат ләңхасәт, кашәң ханнехэ па кашәң ияха пилтум мир тахи, там декларация иса ут щирн, вәндтыйлды ат ләңхасәт, па щит вэлты па вельня щирәта нәтты, мўвтел мирхотәт унтасн, там утәт веритдыйт вәты па ләщәтты мўвәң мир күт тахет, щит тумпийн мўв луват мирәт күтн, дыв поступсы пида вәлдәт.

1-мит статья

Худыева мирәт вельня па имуртән вэлты щира сема питләт. Лыв нумсаңат па дыведа едем атум ут верты па күтәдн дыв лэхсаңа вәлдәт

2-мит статья

Кашәң ханнехэ вэлты па вельня

па лашкам щир ат тайс, щитәт там декларация непекн хәншман, иса иширн вәл, муй ед сухл па хураспи, муй хә па не хуят кепи, муй па ясаңд па щирн сашд, мәта кепи ләңха аң эвдәс, политика муй па ута веритд эвәлды, мәта мирал лүнтәсл, муйсәр пурмәс тайл, тащәң муй нўша хуята лүңәтды па, мосәң, па щира.

Щит тумпийн, аң мосл ар щира вэлупсы лүңәтты, вэлты щир муй па мўвтел мўв нем, худта ханнехэ лүнтәсл, там мўв хуятн лавәлды, лўв сәттәда вәл па рәпитд па па щирн нух ертман.

3-мит статья

Кашәң хуят вэлты щира, вельня па лўведа лэваса кетумты аң рәхл.

4-мит статья

Немхуят лавәрт рәпатая муй па митхәя вўты аң рәхл; митхә па ханнехэ елды вэлупсы щирн тыныты аң мосл.

5-мит статья

Немхуят сеңкты, шәкатты па атма тайты аң рәхл.

6-мит статья

Кашәң хуят, хута кепи аң вәс, иса вэлты щир тайл.

7-мит статья

Худыева мирәт поступсы щирн имуртәт, дыв ихураспет, имурт поступсы щирн вәнльдыйт. Иса мирәт имурт вәлды щирләд лавәлдыйт, там декларация непек щирн юврая верты аң рәхл, немхуята атма верты аң мосл.

8-мит статья

Кашәң хуят вэлты щир йилпа мир сўт унтасн ләщәтты веритд, щит конституция па поступсы щирн ләщәтды.

9-мит статья

Немхуятн ханнехэ аң веритды кәсна хота омәсты, әрн ерты, катәлды муй па йира вәшәтты.

10-мит статья

Кашәң хуят, мулды щухләң лўв пиләда тывл ки, веритд имурт щирн, лўв верл сўтн нух ат вантсы.

11-мит статья

1.Кашәң хуят, мулды вевтам ут вермәл юпийн, атум хуята лүңәтты аң веритды, атум верләд

сўт ехн нух ванттыйн, щит юпийн лўв вәнльдыты щир тайл, хән худна сўтн немалтыйн аң пунсы.

2.Немхуят сўта мәты аң веритды, мосәң, мулды атум муй па немәлд аң вермәл пәты, щитәт мир поступсәт па мўвтел вәлды щирн атум вера аң рәхләт. Сыры мулды атум ут вәс ки, щит әхтыйн йилуп вер пунты аң рәхл.

12-мит статья

Немхуят лўв юкан па хотәң ехләд вэлупсы сәрашты па хотәда лэваса немхуята лүнтты аң рәхл, лўв юканәла китум непекәт па лўв немл па вэлупсы щирл кетумты аң рәхл. Кашәң ханнехэ поступсы щирн вәнльдыты па лавләсты веритд.

13-мит статья

1.Кашәң хуят мўвн худта сәмәдн талды, щив мәнд па хута вәлды ләңхал, щив касәлды веритд.

2.Кашәң ханнехэ вәлды мўвд эвәлдт па тахия мәнты па юхды керләты веритд.

14-мит статья

1.Кашәң ханнехэ веритд па мўвәтн вәлды щир вөйтты па щәта хәшты муй па хәнмәты.

2.Там ут ханнехэя верты аң рәхл, хән лўв кәншды, хән мўвтел мир верәт тўңматты тахи щирн аң хәншман па аң мәнд.

15-мит статья

1.Кашәң ханнехэ веритд сема питум, енмум па рәт мўвәдн хәншаньщты па вәлды.

2.Немхуят лўв такләда сема питум, енмум па вәлды мўвәдн хәншаньщты па вәлды щирл па па щирн каремәты.

16-мит статья

1.Хә па не хуятнәң, 18ода йитәдн, мәта кепи хуята аң лүнтәсләт, мәта ләңха аңт эвәлдәт имене муй па икеңа йиты па хотәң ехәңа йиты веритдәт. Дыв имуртән щир тайләт имене муй па икеңа йиты, ияха вәлды па кәтна мәнты.

2.Ияха мәнты веритләңн, хән инумәсн вәлды щир тайләңн.

3.Хотәң ех - вулаң тахи па мўв луваттыйн па мирн иса вәнльды.

17-мит статья

1.Кашәң ханнехэ веритд юкан пурмәс тайты, па щит тумпийн па хуятәт пида.

2.Немхуятн пурмәсләд әрн нух вўты аң веритдыйт.

18-мит статья

Кашаң ханнехэ вельня нумасн, төса па яма па ләнха эвэлман вэл; лүв шир тайл пасыр ләнха эвэлты па ши оланан атэлта путартты, па па хуятат пида, мир паты муй па атэлт ширн, емаң хота янхты па Тэрум ашия муй па ләнха поры верты.

19-мит статья

Кашаң ханнехэ веритл вельня путартты, щитата эвэлты па каншты, вүты па айт ара орты па шиутат вүты па арсыр тэхета китты па мўвāt күтн ләнхаты ширн.

20-мит статья

1.Кашаң ханнехэ мирхотат па ассоциация тэхет лэщятты веритл.

2.Немхуят ассоциация тэхия өрн талты ан веритл.

21-мит статья

1. Кашаң ханнехэ рөт мўвāлдн кэща рэпата верāt тэты муй па вельня пириом өх унтасн рэпитты шир тайл.

2. Кашаң ханнехэ мўв луваттйин кэща тэхийн рэпитты веритл.

3. Мир ләнхаты шир правительств рэпатайн ат вөс, тām ләнхаты ширāt пириты утātн ат вөлдāt, щитāt имурт худыева пириты веритлāt, немхуята ши непекат ванлтаты ан рāхл, мосāн, па па ширн.

22-мит статья

Кашаң ханнехэ веритл нөтупсы, па вөдты ширāt па елды пунты па альты шир, арсыр нөтупсөт па йис па интām вөдупсы верāt мирāt күтн па мўвтел рэпата па мўв-йиңк ташāt тайты.

23-мит статья

1.Кашаң ханнехэ рэпитты веритл, рэпата пириты, ям рэпата

вөйтты па рэпатайды ад питты.

2.Кашаң ханнехэ рэпиттāl пāта вухн ат лўнātсы па масы.

3.Кашаң ханнехэ яма рэпиттāl пāта вухн ат сухуптāсы, ши унтасн ханнехэ па хотāн өхлал нўшайды вөдты ат веритсāt.

4.Кашаң хуят веритл рэпата тумпийн немасыя ши ширн тэхет пўншты па шив лўнман яма па төса рэпата верāt лэщятты па вөнльдыты.

24-мит статья

Кашаң хуят шир тайл рўтьщāты, рэпитты хātлдалд шимла верты па рўтьщāты янхтйин вухан сухуптāты.

25-мит статья

1.Кашаң ханнехэ веритл вөдты шира, лөдн летут, лөмātсух, хот, кāши-мөш лекщитты, арсыр нөтупсы, тāдаңа вөдты па ханнехэ па хотāн өхлал яма вөдты пāта, рэпатайды, кāши-мөшн юхātты, сомды-сашды питтйин, ханнехөйл вөтшāтйин, пирща йитйин па па лавāрт пурайн ханнехэ вухн нөтты.

2.Аңки па ай няврем мет лавāлды па нөтты. Худыева пушкиет и кемн нөтдйит, дыв аңки-аши муй па ашиды тāюм няврем.

26-мит статья

1.Кашаң ханнехэ вөндтйидты шир ат тайл. Ай классātн па 11-мит класс вөнты вухды вөндтйидты ат веритās. Мет олāн āшкола няврем вөнтйидты вер кашаң хуята етшуптаты мосл, айлат вөндтйидты тэхетн кашаң хуят ад рэпата шир ат мущатās. Вөн непекохлумтты тэхийн ат веритсāt нумсāн хуятāt вөндтйидты.

2.Вөндтйидты шир, щит ханнехэ непекаңа па нумсāңа па вөдты шир мира ям вөдупсы ат төс.

Вөндтйидты вер мирāt күтн лөхсāн вөдты, ләнха эвэлты ширāt ат төсāt па Мўвтел мирāt вантты па тўнматты тэхия арсыр ям па вулаң верātн нөтты.

3.Аши-аңки ай нявремлал пāта вөндтйидты ширāt пириты веритл.

27-мит статья

1.Кашаң ханнехэ шир тайл арсыр мир вөдупсөта янхты, ариты-якты, одюпн ханшты хурāt, өшн верты пурмāsāt па па утāt вантты, непекаң па нумсāн верāt па арсыр утат уша павātты.

2.Кашаң ханнехэ вухан утāt па вөдупсы ширāt, щитāt непекаң па нумсāн верātн, ханшты өх унтасн тывты па етты утāt, ханнехөя юкан ширн лўнтāсты утāt лавāлды па вөнльдыты мосл.

28-мит статья

Кашаң ханнехэ нөтты верāt па мўвтел мирāt лэщятты утāt ширн вөдты, хута ши вөдты шир па вельня вөдупсы декларация непека ханшман.

29-мит статья

1.Кашаң ханнехөя мирāt күтн вөдты ям вөдупсыя катлуптйидты мосл.

2.Кашаң ханнехэ яма вөдты ширл щиты верты, лөдн па хуята иши ям ат вөс, щит поступсйин ки ханшум.

3.Тām вөдты шир мўвтел мирāt верāt вантты па тўнматты тэхия мухты па ширн мāнты ан веритл.

30-мит статья

Тām вөдты па ханшум утāt декларация непека па ширн вөдты па репитты ан веритлāt. Мўвāt, мирāt, атэлт ханнехэ, рэпата муй па вельня па вөдты ширāt па ширн лэщятты па каремāты ан рāхл.

Шуши мир вөдты шир мўвтел мир верāt вантты па тўнматты тэхия декларация непека

2007-мит одн лыпāt хойты тылāщ 13-митн Генеральной Ассамблея өх унтасн резолюция непека 61/295 вўсы.

Генеральной Ассамблея,

Объединённой Нацияйт Организация (елды лўнтаты Мўвтел мир верāt вантты па тўнматты тэхия) мет вулаң поступсы (Устав) ширн рэпитман па мўвāt луваттйин вўюм утāt хўват елды питлāt арсыр верāt лэщятты,

кашащман, шуши мир па мирāt пида имурт вөдупсйин вөлдāt, ши күтн арсыр мирāt вөдты шир ихурасуп āнтө, шуши мир па мирāt пида па хураспия лўнātлэл па дыв йис вўш эвэлт вөдупсэл тām ширелн

елды мāнл,

ишиты кашащман, мўвтел мирāt арсыр вөдупсыя вөн унтас па йис вўш эвэлт холумтум өх ташāt худыева мир таша лўнātслāt,

елды кашащман, муй политика па арсыр рэпитты верāt лэщятты, вантэ, итөх мирāt мет вулаң өха вөдты вўратлāt муй па ел сухлал шеңк нувет, Тэрум ащел мет ушāн-сашāн, щиты итөх мир дывел лўнātлāдал, щит шеңк арум па пāлтап верāt, щит мир вөдупсыя ан рāхлāt, нумсāн непекат ширн

ан мостāдāt, вөдты шир поступсыя ан лўнātлйит, сāма па нумса вевтāмāt,

елды мāнты вөдупсйин нумса ан пунāслāt, хута шуши мирāt йис вўш эвэлт шөкатсйит, ши күтн мўвтел эвэлт йира партсйит, мўв-йиңк ташāt нух вўдйит, ши унтасн дыв шир ан тайлāt елды ям вөдупсйин вөдты,

елды кашащман, шуши мир вөдупсы, елды пунум па адюм верāt па арсыр нөтупсөт лэщятты тэхет, йис вўш эвэлт вөдты вөдупсөт,





вэлты ширдал, дыв мўвдал, мўв-ийнқ тащāt яма тātты па давалты,

елды кашащман, шуши мир вэлты ширāt кашащты па путремātы непека̄тн лэщātты,

мосл щиты лупты, шуши мир дыв мўвдалн, мўв-ийнқ тащāt хуши мудты атум тывты верāt нух вантман тātлэд, ши унтасн дыв увас мир вэлупсы елды вэлты па унтас тэты пилт,

елды кашащты ки, шуши мир нумса̄н верāt, ариты-якты, верāнтты па па утāt, вўды, вой-хўл верāt, щитāt мўв-ийнқ тахетн яма тātты па давалты,

мўвāt па шуши мир вэлты тахет мўвтел ям верāта лўнтаслāt, елды пунты, альты, мāнты па нётты верāt, лэхса̄на па ияха вэлты нумса̄н верāt мўвтел мирāt кўтн арталāдыйт,

кашащты, хотāн ёх па шуши мир тахет ияха веритлāt нявремāt енмāлты, вондтāты, ям па тэс ёша партты па есāлты, няврем поступсы хāншум ширн,

ищиты лўнātты, хута кашащты па арсыр путремātы утāt, мāта верātн шуши мир па мўвтел луваттыйн вэлты тахет кўтэдн мет така ияха катлāслāt, итёх пурайн дыв нётлāt, мўвтел тахет лāнхалāt щитāt лэщātты мўвтел ширн,

кашащты, мўвтел мирāt верāt вантты па тўнматты тāхи мет вулаң поступсы, елды пунты па альты, нётты па ариты-якты, верāнтты па эмāщ утāt вэлты шир па хāннехэ па вэлупсы ширн мāнты верāt мўвтел непека̄тн, па ши тумпи Венской декларация непека̄н па программāйн арсыр мирāt веритлāt дыв сātтэда вэлупсы шир арталāты, муй ширн дыв елды вэлты пилтāt па дыв ширелдн елды вухāн верāt пунты па альты, нётты па вэлупсэл елды тэты,

щит нэмман, тām декларация непека̄ хўват кашāн атэлда вэлты лāнхаты мир йира парты āн рāхл, щит мўвтел непека̄т хўват хāншман вэлдāt,

па елды вэлупсийн, тām декларация непека̄ унтасн шуши мирāt веритлāt елды ищиты па хон мўвāt па па мирāt пила яма па лэхса̄на вэлты, щит хāннехэ вэлты шир давалты, кашāн верые имуртāн лэщātты, сāmāна па яма ши унтасн елды вэлты,

мўв луваттыйн вэлты тахета шуши мирāt пāта муй верāt тывлāt, щитāt тўнширāна мўвтел мирāt кашащты утāt лэщātты па

ши тумпийн щимāщ кашащты непека̄т, хута шуши мир пāта немасыя еслумāt, мудты вер эхтыйн иньщāсты па дыв пилэда рэпитты,

мўвтел мирāt верāt вантты па тўнматты тāхи шуши мир вэлты шир пāты шеңк ар вер лэщātлāt па ши вэлупсы давалдāt,

тām декларация непека̄ мет вулаң поступсыя альщāды, шуши мир дыв сātтэда вэлты шир па щитāt давалты па вәнъдыты, па елды мўвтел мирāt верāt вантты па тўнматты тахет рэпитты верāt,

кашащман, хута шуши мира лўнтāсты хуятāt веритлāt шуши мирāt ширн лэщātум поступсы ширн вэлты, щитāt мўвтел поступсэтн хāншман вэлдāt, па ши тумпийн шуши мирāt ияха вэлты ширн веритлāt елды вэлупсы лэщātты, щитāt дывела елды вэлты шеңк мослāt,

кашащты, кашāн атэлда вэлты мўвн немасыя вўты ши утāt, хута дыв вэлупсэл ширн ат вэс, па арсыр йис верāt па вэлупсэт арталāты,

елды лўнтаты, мўвтел мирāt верāt вантты па тўнматты тāхидекларация непека̄ шуши мирāt вэлты шира унтас ат тэс:

1-мит статья

Шуши мирāt ияха муй па атэлда вэлты шир тātлāt, худыева хāннехāt па мет вулаң вэльня верāt, щитāt мўвтел мирāt верāt вантты па тўнматты тāхи мўвтел мирāt вэлты шир декларация непека̄н хāншман па арталуман вэлдāt.

2-мит статья

Шуши мира лўнтāсты хуятāt, шуши мирāt вэльня вэлупсийн па па мирāt па атэлт хуят пила имуртāн вэлдāt мир юкан вэлупсылāдн, мāта мира дыв кепи āн лўнтаслāt.

3-мит статья

Шуши мирāt дыв сātтэда атэлда вэлты веритлāt. Дыв вэлты ширел арталāлāt па елды пунум па алюм вухāt унтасн, нётты па ариты-якты, верāнтты па ши тумпийн арсыр эмāщ верāt лэщātлāt.

4-мит статья

Шуши мирāt дыв сātтэда па атэлда вэлты ки вўратлāt, ши пурайн автономия муй па дыв вэлты мўвелдн кашāн вер юкан ширн лэщātлэд, па ши тумпийн вух верāt.

5-мит статья

Шуши мирāt веритлāt дыв вулаң вэлупсэл, поступсэт, елды пунты па арталāты вухāн, нётупсы па давалты па елды па ариты-якты, верāнтты па ши тумпийн арсыр эмāщ верāt давалты па елды альты,

па дыв лāнхалāt ки иши муртāн мўвтел луваттыйн вэлупсы шир па давалты.

6-мит статья

Кашāн хāннехэ, мāта хуят шуши мира лўнтасл, лўв веритл вэлты мўвн хāншаньщты.

7-мит статья

1. Шуши ёх, дыв вэлты шир тātлāt, ёра йиты па лэваса ал кетумсайт, вэльня па вевтам па атум верāt эвалт ат давалсыйт.

2. Шуши мирāта ар пелāk вэльня вэлупсийн вэлты, лэхса̄на па яма вэлты па немāлт вевтам ута дывел āн талты, нявремāt āн шэкатты.

8-мит статья

1. Шуши мирāt па шив лўнтāсты ёх ёрн худт пелы тэты па дыв вэлупсэл хўдтты āн рāхл.

2. Мўв луваттыйн вэлты тāхи тām утāt вантал па вэлты шир давалдāt:

а) шимда мир верты муй па тынāн мир вэлупсы худтты, мāта кепи мира дыв āн альщāдыйт;

б) мўвдал муй па мўв-ийнқ ташдал худт ал вўдыйт;

с) кэртāн-вошāн мир ёрн па тāхия касāлды, дывел āнт иньщāсман;

д) ёрн хўдтты;

е) немасыя путāртты, атум верāта хущты па мир кўтн кўтāна йиты.

9-мит статья

Шуши мирāt па шив лўнтāсты ёх шуши ёх тахета лўнтāсты муй па мир дыв вэлупсэда, йис верāта. Тāmāщ вэлты ширн немāлт вевтам вер тывты āн веритл.

10-мит статья

Шуши мирāt ёрн немхуятн рэт мўвдал эвалт па тāхия каслуптāты āн веритлдыйт. Па тāхия дыв āн ки кашащдāt, щит верты āн рāхл, тэп ши ут верды, хән кашащты непека̄ лэщātты муй па вух сухуптāты юпийн.

11-мит статья

1. Шуши мирāt вэлупсы ширел лэщātты па нух дыднуптāты веритлāt. Щит йис па катра пурмāсāt нух кāншты, арсыр йис верāt па тахет, тунтыйн муй па кев сохлātн хāншум па шуртум утāt, хāншум моньщāt, путрāt, арāt мāнум хўв йисн, тām вэлты олн муй па елды мāнты олдātн.

2. Мўв луваттыйн вэлты тāхи вэлты ширāt вәнълэд па немасыя шуши мир пāта лэщātл ям па тэс непека̄т, хута дывел иньщāсты па дыв пилэда путāртты юпийн муй па ши поступсэт юврая лэщātман.

12-мит статья

1. Шуши мирāt ләнх, пориты тахет, йис верāt давалты веритлāt, елды лэщātты па айлат

ёха катлуптаты па па хуятат такды пориты тэхета яңхты, ләнх пурмасат тайты па рэт мўвдалн антэма ювум хуят шавиты.

2. Мўв луваттыйн вэдты тәхи веритл нётты ләнх пурмасат вўты па антэма ювум хуят хуши юхатты па ши хуят рэт мўвдала тәты, ши унтасн шуши мир хәншум утат ширн вэдты шират лавалдыт,

13-мит статья

1. Шуши мират айлат ёха йис вөлупсы верат, рэт яснат, йис путрат, моньшат, хәншты па лўнатты утат нух дылнуптаты па елды маты веритлат, па ши тумпийн немат па рәпитты тәхет нематн пунты па шитат лавалды.

2. Мўв луваттыйн вэдты тәхет шуши мирата немасыя вэдты шир лавалды веритлат, дыв увас мира вөлупсы, сўт па па верат тўнматты, шитат нух ванттыйн па ясн эвалт рэт ясана ши верат олаңан тулмащтаты мосл па па шўнкат унтасн.

14-мит статья

1. Шуши мират вәндтыйлдыт, ши тәхет, хута рэт яснән айлат ёх вәндталдыт, шитат шуши мир вөлупсыя ванат ат вәсат.

2. Шуши мира лўнтасты хуятат, мет олаңан шит нявремат, дыв олаң пура вўш эвалт па вән непеканә йиты вәнты ат веритсат вәндтыйлдыт па ши тәхета иса ат вўсыт.

3. Мўв луваттыйн вэдты тәхет шуши мир пида ияха ат веритсат арсыр верат ләщатты, шит ши нявремат, мата ёх вәнт шушетн ән вәлдәт, дыв иши вәндтыйлдыт мәрелн йис шуши мир вөлупсы ат вәйтсат.

15-мит статья

1. Шуши мират арсыр сәма па нумса лўнты вөлупсәт иса пурайн вәндтыйлдыт па оса айкеләтн ат вәлдәт.

2. Мўв луваттыйн вэдты тәхет путремалат па ияха нумса юхатлат, шуши мир шәкатты ән рәхл, ши тумпийн дыв пиләда вэдты ёх пида яма па ләхсәна вэдты.

16-мит статья

1. Шуши мират рэт яснән айкеләт әкәтты, хәншты, радива па хушап хўват путартты па ванлтаты тәхет пўншты па арсыр шимаш утат унтасн айт уша паватты веритлат.

2. Мўв луваттыйн вэдты тәхета нәтләт айкеләт ләщатты, шуши мират олаңан иши арсыр утат ат версыт. Дывела яма оса айкеләт ләщатты тәхет вантты па шуши мир олаңан тәс утат хәншты, путартты па альты.

17-мит статья

1. Шуши мира лўнтасты хуятат па шуши мират мўвтел па мўв луваттыйн рәпитты тәхет вэдты ширн ләщатты.

2. Мўв луваттыйн вэдты тәхет па шуши мират пида нявремат әрн рәпатая вўты па лаварт рәпата эвалт лавалды, шит вәндтыйлдыт вера турас тәл, тәлаңа вэдты шира кәши-мәш верл, щомды павәтл, нумсәна, ям хуята йиты турас верл, дыв, вантә, пушхиет енумты хәннехәйт.

3. Шуши мира лўнтасты хуятат па ёх йиты ат рәпитсат па тылащ вўхн ат сукхуптәсыт.

18-мит статья

Шуши мират веритлат, мудты унтас тәты ут вўтыйн, ши пата немасыя хәннехә арталаты, муй па немасыя пиригы дыв эвалтәда хуят, ләдн дыв сәттәда тывум утлад ат ләщатсыт, па ши тумпийн вэдты шир лавалды па юкан тәхета нётты.

19-мит статья

Мўв луваттыйн вэдты тәхет путремалат па ияха шуши мир пида немасыя ләщатум па дыв ширелн пириюм тәхет пида рәпитлат, дыв кашащлат поступсы шират муй па кәртәң-вошәң тывум верат вўты муй па антә.

20-мит статья

1. Шуши мират тәм вөлупсы, елды пунты па альты вух верат, нәтупсы па па тәхи верат лавалды па елды тәты, вәльня па дыв ләңхатәл ширелн вой-хўл, вўды па па ям утат верты.

2. Шуши мират мудты верн наклата ки версыт, интам вэдты шир ән ки тайлат, ши пата вўхн муй па пурмасн нётты па маты.

21-мит статья

1. Шуши мират яма вэдты пата нәтупсы па елды пунты па альты верат ширн муй па тәхет унтасн вәндтыйлдыт, рәпитты, хот, тәлаңа па нәтупсы холумты веритлат.

2. Мўв луваттыйн вэдты тәхет елды пунты па альты верат ширн шуши мир хотн мәдыйт. Мет сырыя шуши пирәщ ёха вэдты шир, имета, айлат ёха, нявремата па кәши-мәш тайты мира нәтләт.

22-мит статья

1. Тәм декларация непек хўват вәна пелка ювум хуятата, имета, айлат ёха, нявремата па кәши-мәш тайты хуятата мет олаңан нәтләт.

2. Мўв луваттыйн вэдты тәхет па шуши мир пида шуши мир имет, нявремат нәтупсийн мәдыйт, агум па вевтам утат эвалт лавалдыт.

23-мит статья

Шуши мират интам вэдты па елды олты вөлупсы арталалат. Ши тумпийн дыв веритлат, дывела тәлаңа вэдты, хотәң па елды пунты па альты верат ләщатты па арталаты.

24-мит статья

1. Шуши мират йис вўш эвалт тәлаңа верты шират па ши унтасн кәши-мәш ямалды, вантә, вәнтән муй па хәрн енумты юхат, аня лыптат, вой-хўл, арсыр кеват унтасн хәннехә лекщитты. Шуши мира лўнтасты хуятат иши ямалтыйлдыт.

2. Шуши мира лўнтасты хуятат әра па тәлаңа иши веритлат йиты йилуп лекщитты утат унтасн. Мўв луваттыйн вэдты тәхет муй иса ши пата ләщатлат.

25-мит статья

Шуши мират рэт мўвдал, асат, пуслат, лорат па щорсат па щив лўнтасты кимл тәхет, ши тумпийн мўв илпиташат шәңкшадитман па лавалман тайләлал, шитат айлат ёха пата хәщуптаты.

26-мит статья

1. Шуши мират мўвдал, мўв илпи ташат па па утат дывела йис вўш эвалт лўнтасләт па щата дыв вәлдәт, вой-хўл вәлпәсләләт па вўды таш тайлат па сыр-сыр верат ләщатлат.

2. Шуши мир мўвәт, мўв илпи ташат па па утат дывела йис вўш эвалт лўнтасты утат хуши арсыр верат ләщатты, ши тәхет вантман тайты. Ши мўвәт йис вўш эвалт юкан тәхета лўнатсыт па дыв веритсат па ширн ёша паватты.

3. Мўв луваттыйн вэдты тәхет тәм мўвәт, мўв илпи ташат па па утат поступсы ширн шуши мира лўнатты па лавалды. Ши мўвәт йис вўш эвалт юкан тәхета лўнатсыт па дыв веритсат па ширн иши ёша паватты.

27-мит статья

Мўв луваттыйн вэдты тәхет па шуши мир пида ияха поступсәт, йис ширн мәнты верат па дывела лўнтасты мўв-йиңк ташат мосты па рәхты ширн ләщатләлал. Ши ташат поступсы ширн пундыйт, ши мўвәт йис вўш эвалт шуши мир юкан тәхета лўнатсыт. Шуши мират тәм ләщатты вератн иши арсыр утат нух вантлат па дыв ширелн кертләлал.

28-мит статья

1. Шуши мират мўв-йиңкәт хәлытум па вевтама верум юпийн





щи пата дыв щитат нух сыстамтты па вух сухуптаты парлдат.

2. Ши верат нух вантум юпийн ши ех муй па мўв илпи тащ вўты рэпитты тэхет сыстамтты па вух сухуптаты ан ки кашащдат, ши пурайн шуши ех щир тайлдат па ичимаш ху-расуп мўват вохты.

29-мит статья

1. Шуши мират мўват-автат, мўв рэпата верат па мўв-йиңк ташат давалды веритлат. Мўв луваттыйн вадты тэхет шуши мират пата немасыя нётты программа непек ханшлат.

2. Мўв луваттыйн вадты тэхет шуши мират вадты тэхета атум па мудсалтум питы нёхлаң йиңкят ши рет мўвата шошумты ан рэхл.

3. Мўв луваттыйн вадты тэхет мосты пурайн ши пата программа лэщатлат, ши атум па нёхлаң утат унтасн мир кәши-мәша ки йисат, ши пата дыв ямалды веритдыйт.

30-мит статья

1. Шуши мират вадты мўватн ладь харат вертыя ан рэхл, тәп мўв луваттыйн вадты тэхет мосты пу-райн муй па дыв кашащты юпелдн муй па дыв даясты ех немасыя шив вохлат.

2. Мўв луваттыйн вадты тэхет шуши мир мўвата ки вўратлат, ши пурайн немасыя иньщаслат па путремалдат дыв пидеда па ши тумпийн веритлат арталум тэхет унтасн.

31-мит статья

1. Шуши мират йис вадупсәд, йис па катра верат, нумсәң па непекәң, верантты, ариты-якты па ям әмәщ утат, лыптат па ши олаңан арсыр нумсәт, йис моньщты па ариты, ханшум путрат, моньщат па па утат, олюпн па ханшты юхн шўртум посат, увас мир юнтат па ариты па якты верат вантты, давалды, дылнуптаты па елды тәты.

2. Шуши мират пида и әрн арсыр верат лэщатлат па вадты щирел елды давалдат.

32-мит статья

1. Шуши мират мет вулаң верат арталалат па тәм мўват рэпитты щира лэщатлат па мўв-йиңк тащат вўлат.

2. Мўв луваттыйн вадты тэхет шуши мират пида тәса путремалдат па мудты рәпата ки дыв вадты мўвладн верлат, ши утат олаңан непек вўты вәнты иньщаслат, мет вән иньщасты вер, щит хән мўв илпи тащат муй па тынаң кеват па

па утат дыв еша паватлат.

3. Мўв луваттыйн вадты тэхетн мулды атум щўхлаң ки тывас, ши пурайн рәпата, мира мўв-автат, елды пунты па альты, арсыр тэхет па йис па интам вадты вадупсы верат лэщатдыйт.

33-мит статья

1. Кашаң хуят увас еха лўңтәсд, лўв йис верлада катләсман вәд. Шуши мира лўңтәсты хуят немалт атум утн ант юхатды, мўв луваттыйн вадты тэхетн дыв вәдлат ки па ханшаньщлат.

2. Шуши мират дыв вадты щирел арталалат па рэпитты хуятат пириты веритлат.

34-мит статья

Шуши мират вадты щирел па мет вулаң йис верат вадупсы мўвтел хәннехә вадупсы щирн ишакдыйт, елды тәдыйт па давалдыйт.

35-мит статья

Шуши мират ияха вадты тәхийн атәлт хуят вадты щир веритлат арталаты.

36-мит статья

1. Шуши мират мўвтел кўтн ортум тәхилалн атәлта вәдлат, дыв кўтәдн ияха катләслат па ши унтасн вәдлат, ияха рэпитлат, па ши тумпийн вадупсы, елды пун-ты, альты па нётты па арсыр верат лэщатлат, ши тумпи хуятат па па хон мир пида иши шив лўңман вәдлат.

2. Мўв луваттыйн вадты тэхет шуши мират пида путремалдат па ияха рэпитлат, арсыр верат лэщатлат па тўңматлат.

37-мит статья

1. Шуши мират кашащты па арсыр непекат па мўв луваттыйн вадты тэхет па елды вадты хуят пида кашащты, арталаты па па утат верты веритлат, па кашащты непекат арсыр мўват кўтн яма тайты па давалды.

2. Шуши мират вадты щир лэщатум па хәншум кашащты па мосты непекатн тәп щитат декларация непекн вәдлат.

38-мит статья

Мўв луваттыйн вадты тэхет шуши мират пида путремалдат па ияха рэпитлат арсыр верат лэщатман, ши тумпийн поступсәт хәншлат декларация верат елды тәса адумты паты.

39-мит статья

Шуши мират мўв луваттыйн вадты тэхет унтасн вухаң па нётупсы вўты веритлат па мўвтел ияха рэпитты щирн, тәм вадты де-кларация непек хўват.

40-мит статья

Шуши мират мўв луваттыйн

вадты тэхет па па хон мўват пида тывум кўтаң верат вантты па вўра верты утат лэщатты, атәлт па мират вевтама вадты щират вәнльды. Ши утат нух ванттыйн, шуши мир вадупсы, мўвтел хәннехә вадты щират тәса па тўңшираңа вўты мосл.

41-мит статья

Мўвтел мир верат тўңматты тәхи немасыя лэщатум па правительства тэхет декларация непек унтасн әш-пәнт пунсәт, хута вухаң па нётупсы утат верты рэхл. Шуши мират тәм утн иши рэпитты щир арталасат па дыв пиледа елды ат рэпитсәт.

42-мит статья

Мўвтел мират верат тўңматты тәхи па щата рэпитты ех, шуши мират пата ванкўтды лэщатты мирхот, па немасыя пўншумхотат, ши тумпийн арсыр мўват унтасн, па арсыр тэхет декларация щирн рэпитлат па елды тәты непекат па верат вўлат.

43-мит статья

Тәм декларация непекн хәннехә айкемн, вулаң вадупсы, яма па тәса шуши мир вадты щир пунман вәд.

44-мит статья

Тәм декларация непекн хә па не хуятнаң вадты щират имуртан пунман вәдлаңан.

45-мит статья

Тәм декларация непекн немалт вадты щират па щирн ан путартдыйт муй па нух ан вўдыйт, мәта утат шуши мират интам олатн тайлат па елды мәнты йисн еша паватлат.

46-мит статья

1. Тәм декларация непекн немалт ут па щирн ан верды па путартды, мўвтел мират верат вантты па тўңматты тәхи поступсы юврая карематы ан рэхл, кашаң мўв, мир, хәннехәйт, мосәң, и хуят рәпата вер веритл муй ерты па ишакты мулды верат, щитат ай пулаты муй па тәдаңтедн мўват шукатты па ияха щитат каратты.

2. Тәм декларация непек хўват хәннехә вадты щир па вәльня хуят щир арталалды. Декларация непекн тәм вадты щир олаңан хәншман, тәх нух ерты утат, щитат поступсәтн лэщатман. Мулды нух ертум ут, вадты щир па вәльня па утат, щитат вадты еха мет мослат.

3. Тәм декларация непекн мир яма вадты па рэпитты пата арсыр верат вәдлат.

**Ханты ясәңа тулмащтас
Раиса РЕШЕТНИКОВА**

Муй щирн Ёмвош округн мўвтел шуши мир кимит яң ол мәнл

Ши олаңан Геннадий Фёдорович Бухтин 2014-мит одн вәщ тйлащн 9-митн Национальной организационной комитет мирхот пурайн непек дўнтас.

2009-мит одн Югра мўвн шуши мир кимит яң ол дэщатты пата немасыя тахи версы. Ши тахи кәщая вәд Ёмвош округ губернатор. Яң ол мара непек хәншысы па немасыя верәт дэщатсыт.

Щиты кимит яң олатн увас мир пата 56 нормативной акт па 13 поступсы вўсы. Щит, шуши мирәт вәдты тәхет, факторияйт, еман тәхет, йис моньщәт-арәт олаңан, 10 государственной целевой программа, округ правительства 29 поступсы. Ши утәт күтн шуши мирәт пата хәншум «Концепция устойчивого развития...» немпи поступсы па мосты верәт ши поступсы дэщатты пата.

Округн 475 шуши мир вәдты тахи вәд, щит 13 миллион гектар мўв. Кәщә ех па мўв илпи тащ вўты хуятәт увас мир пида закон щирн путремуман рәпитләт. Дыв кашащты непекәт вўдәт, хута хәншләт, шуши мўвәтн рәпитты пата муй арат вух компанияйт увас мира сухуптәты питләт, дәдн нявремәт вәндтәты, мир лекщитты па па верәта.

2013-мит ол мәр шуши хоттел ех па нефтяникәт күтн 741 экономической соглашения непек хәншысы, щит 247 шуши тәхетн вәдты 3173 хәннхә пата, дыв 1,5-кем миллиард вухн сухуптәсыт. Хән дын күтанән вўра верәт тывләт ки, ши пурайн немасыя верум комиссия ех щит нух вантләт па мосты щирн щит дэщатләт. Хән дын комиссия пида ән кашащләт, ши вер сўт мухты тўнматлы. Шуши мира ши пурайн дыв верлад вәнльды немасыя хуят нәтл. Округн поступсы вўсы, округ бюджет унтасн увас еха щимәщ вәнльды хуят вохты рәхл.

Ёмвош округн па мўвәт киньши мет ар мир вәнт шушийн вәд.

2007-мит одн увас ех община 35 тахи вәс, 2013-мит одн – 92.

Вўды ищи ара йис, 2004-мит одн – 27 585 арат, 2013-мит одн – 40 068 арат.

Учёной яснәт щирн Югра мўвн тәп 46 620-кем вўды тайты рәхл.

Мўв-авәт дәвәлты вер – щит мет вулаң вер. Щит пата округн немасыя непек вўсы, хута хәншман, дәдн мўвәт-автәт нух вантты па хута мосл щит ямәлты. Мўв илпи тащ вўты тәхет пида ши олаңан немасыя кашащты непекәт хәншман вәдләт.

Шуши мир ямәлты вер ищи така нух вантман тайды. Округевн ар ай кәрт па мир вәнт шушийн вәдты тахи вәд. Щит пата кашаң хуят пәдница тәты пата немасыя тухләң хопәт дэщатсыт. 2013-мит одн 1858 арат щимәщ рейс версы, ши пурайн 2427

кашаң хәннхә пәдница тәсы. 559 вәнт шушийн вәдты 2308 хуят леккарәтн вантман тайлдыт. Округевн тәдн машинан, лўнән па тўтән хопн тохтүрәт ай кәртәта яңхләт. Кашаң ол щиты мир ямәлты хуятәт 40-45 ай кәртәтн 12-кем шураң хәннхә, дыв күтәдн 2,5-3 шураң, щит шуши ех нух вантләт.

Ши верәт унтасн округевн шуши мир күтн ар няврем сема питл, шимд хуят сурма йид. Щит унтасн шуши мир аршәка йис, 2005-мит одн 30 268 хуят вәс, 2013-мит одн – 32 862 хуят.

Па и вулаң вер, щит шуши мир вәдты хот тайты унтас. Яртыяң ол мәр 2005-2013-мит олатн 2408 шуши хоттел ех вәдты хотәт еша павәтсәт. Ши вера округ бюджет эвәлт 4 миллиард вух тәруптәсы.

Ханты-Мансийской автономной округн нявремәт нивд этнокультурной вера вәндтәлдыт. 2011-мит одн округ правительства поступсийн рәт ясәң дәвәлты па нәтты пата немасыя Научно-координационной совет версы. Тәмхәтл рәт ясәң пушхәт вәндтәләт 9 садикн – 246-кем няврем па 26 ашколайн – 1736 хуят.

22 ашколайн нявремәт шуши мир йис верәта вәндтәлдыт, 8 ашколайн немасыя вәдпәсләты тәхет дэщатсыт.

Айлат ехн рәт ясәң тәса вәндтәты пата олимпиада па сыр-сыр кәсупсәт верәнтлдыт. 2012-2013-мит олатн щимәщ кәсупсәтн 5-11 классәтн вәндтәйлды 228 няврем кәссәт, 25 хуят нух питәс.

2013-мит одн 673 вәндтәйлды айлат ех вух нәтупсийн мәсыт. Студентәт вәндтәты киникайт ләтты пата 12 582 шойт вух еша павәтсәт, ләмәтсүх ләтты вера олаңмит курсән вәндтәйлды хуят пата – 40 шураң шойт, вәндтәйлды тахи етшуптәты еха – 50 шураң шойт вух мәсы.

2011-2013-мит олатн юхи яңхты еша па общежитийн вәдты щира 2 166 хуят вух вўсәт.

Рәт ясәң ән вәтшәты пата округевн хәнты па вухаль ясәңнә газетайт, теле- па радиопередачайт етләт.

Шуши мир пата етты «Хәнты ясәң» па «Луима сәрипос» газетайнән госсударства эвәлт нәтупсы вух унтасн аршәк мир лўнәтты щир тайлдыт. 2012-мит ол вўш эвәлт ши непекнән йилуп хурас тайдыт: луваттәдн айшака йисәт, 16 арат лопәс тайты питсәт, 6 лопәс хәншәң одюпан хәншлдыт. 2013-мит ол вўш эвәлт шуши редакция ех сайт версәт. Интәм хәннхуятәт хәнты, вухаль

па рўщ ясәңнә айкеләт лўнәтты щир тайдыт. Ши тумпи шуши ясәңнә лўв сәттәда етты хәдүм непек ищи вухн нәтдыт.

«Россия-1» телеканал хуши хәнты па вухаль ясәңнән шуши мир олаңан айкеләт па кинайт вәндтәлдыт. «Югра» немпи тәхийн нявремәт рәт ясәңа вәндтәлдыт па йис верәт олаңан путәртлы.

2014-мит ол вўш эвәлт Югра мўвн арсыр поступсәт хәнты па вухаль ясәңнә тулмәщтәты питсыт. Интернет хуши мўвтел шуши мирәт па хәннхә правайт олаңан ООН Декларациянән шивәдәты рәхл.

Ёмвош округ кәщә не унтасн шуши мир «Вурна хәтл» округ еманхәтла версы.

Югра мўвн шуши мир еман тәхет дәвәлман тайты пата непекә хәншлдыт. Тәмхәтл 57 щимәщ тахи нух хәншман вәд. 2013-мит одн няд еман тахи непекә хәншысы, 2014-мит одн – кәт.

Йис арәт, якәт шавиман хәйты пата округн 7 районән нивдувас мир культура тахи вәд, яң районән – 38 якты-ариты тахи рәпитл, 7 районән – нявремәт пәты 17 якты-ариты тахи.

Яңкем ол юхлы Ас-угорской мир «Хәтл» немпи театр версы, щимәщ тахи Россия мўв луваттыин тәп мўң округевн вәд.

Кашаң ол Ёмвош округ грант вухәт холумтты пата кәсупсәт верәнтлдыт. Ши вухәт шуши мир йис верәт, культура па ясәң нух алумты щира мәнләт.

2012-мит ол вўш эвәлт щимәщ кәсупсәт шуши нявремәт рўтьщәты тәхет дэщатты пата верәнтлдыт. И гранта 1 миллион шойт вух мәнл. Кәт ол мәр ши вухәт холумтты пата 45 хуят непек хәншсәт, 24 хуят нух питсәт.

Шуши мир рәпатайн мәты, щит ищи вулаң вер. Щит пата дыв арсыр нәтупсийн дэщатлдыт, йилуп рәпата вера вәндтәлдыт.

Мет ар вух мәды «Социально-экономическое развитие коренных малочисленных народов Севера» вер хўват. Ши тумпи вухәт мәдыит нявремәт вәндтәты, социальной, мир ямәлты, рәпата мәты па па верәт хўват.

Вәдпәсләты, ай кәртәтн, вәнт шушетн вәдты пата, вәдты хотәт еша павәтты вера 2005-2013-мит олатн округ бюджет эвәлт 6 147,5 миллион шойт вух тәруптәсы. Мосл лупты, хуты тәм вухәта ән лўндәт, машинан яңхты ешәт дэщатты, летутәт, пурмәсәт тәты, карты кел хўват тўт мәты па па мосты верәт.

**Хәнты ясәңа тулмәщтәс
Надежда ВАХ**



Сўдтумие

**Нуви сәңхум вошн вәйт дор тыләш
13-митн увәс мир культура тәты тәхийн
нявремәт пәты «Сўдтумие» немпи
рүтьщәты тәхи рәпитты однитәс.**

хәнты арәт арисәт, якәт
якәсәт, моньщәт хәләнтсәт
па шуқщәты верәт уша
павәтсәт.

Мўв-авәт давәдты
оләнән «Экологические
головоломки» немпи
кәсупсы вәс. Рәт мўвед
па шуши ёх вәдупсы
оләнән дыв «Путеше-
ствие по стране Югория»
кәсупсийн путәртсәт
па хәнты ләмәтсухәт
вандтәсәт. Щи пушхәт,
хуйтат ләңхасәт мулды
әмәщ пурмәсверты «Тво-
рим в летней мастер-

ской» тәхийн капәртсәт.
Дыв аканят ёнтсәт, сәк
кәрәтсәт, непек, тун-
ты эвәлт мулды версәт.
Щәдта верум утдал
вандтупсыя пунсийт.

Иса 15-кем 6-7 тәд
луват хәнты па рүщ
нявремәт мўң хущева
яңхсәт. Щи вер мосл,
ләдн пушхәт шуши ми-
рев оләнән ямашәк уша
ат версәт.

Мўң щи хәтда арсыр
әмәщ верәт, кәсупсәт па
юнтупсәт ләщәтсүв. Щит
пәта мўң непекн хәншум

арсыр ясәт, мосты
щўңкәт, юнтутәт версүв.
Пушхиет хәнты ернасәт
ләмәтман, вән амәтн

Ирина ФИРSOBA
Хәнты ясаңа тулмащтәс
Надежда ВАХ



«Ляма юхан вәдупсыйн»

Щиты ванлтупсы альщасы, мәта ут сәрхант ханты ими Аграфена Семёновна Сопочина (Песикова) дэщятс.

Тәм ванлтупсы лыпәт хойты тыдәщ 1-митн пүншысы, вантэ, ши хәтл «Торум Маа» музей рәпатнекәт пәты кәт емәнхәтл. Ям араттыдәщ юхды дыв «Югорская долина» мойң ех вәдты-холты хота касәдсәт.

«Торум Маа» музей кәща не Валентина Кочетыгова лупәс, хуты дыведа шеңк мәстәл йилуп тәхи, тәта ишнет эвәлт хурамәң мўев кәл, вәнт дәпн шеңк әмәщ рәпитты.

Юхи хәщум оләтн «Торум Маа» музейн «Хоттед ех вәдупсы мўевн вәдупсыйн – мәнум вәдупсы пәнт» немпи ванлтупсәт дэщятлыт.

Мойң ех Вән Юхан ас па шив эвәлт мәнум ай юханәт хонәңән вәдты Песиковәт па Кантеровәт ханты рәтнәң оләңән уша версәт.

Тәм пура вәнты Вән Юхан тый хуца вәлум вой велпәслум па вўды тащ дывдум рәт оләңән йис путәр вәл. XIX-мит нәпәтн дывәрт мәш пурәйн кәт пух дылдә хәщсәңән, щит Павел Николаевич Песиков па лўв апщел Иван Николаевич Комтин. Дын шәкащман хәщман юпийн рәт мўев эвәлт йира мәнсәңән, юхан хўват хопн вәщман Селиярово кәрт пўңәлн шушмәдсәңән. Дывәрт вәдупсы эвәлт Павел Песиков рәпата кәншман Фёдор Кантеров кәрта юхтәс, мәта ут Лямин емәң юхан хонәңән вәс. Фёдор мулды ут ханты щирн юврая вермалпәты хәнтәтн Фёдор Ляминской немн пунсы. Тәм хәннех эвәлт вән ханты Песиковәт (Кантеровәт) рәт йил.

Аграфена Семеновна

иса рәтләд оләңән айкеләт әктәс па рәтләд вән лер непека нух хәншсәдә. Ши вән рәта дундәт: Кантеровәт, Сопочинәт, Песиковәт, Каюковәт па Лозямовәт.

Аграфена Семёновна ясәң щирн, Песикова опращнем хәнты 'пешие' ясәң эвәлт тывәс. Вантэ, ши хәнты рәт йистедн касәлман вәсәт, щит пәты 1782-1858-мит оләтн ревизия непекәтн дыв опращнемәд ән хәншысы.

Тәм рәт эвәлт Аграфена Семеновна Песикова вән непекәң неңа йис, сәрхант хәнты культура, ясәң вәты не, лўв вәндтәты не, рәт ясәң дерамтәл, сәрхант хәнты ясәң вәндтәты киникайт хәншәл. 1977-мит олд вўш эвәлт нявремәт вәндтәс. Рўщ ясәң эвәлт хәнты ясәңа А.С. Пушкин «Хўд велпәсләты хә па хўдые», «Сорни ши щкўрәк оләңән моньщ», «Салтан хон оләңән моньщ» тулмащтәс, ши тумпийн «Русско-хантыйский разговорник», «Сәрхант хәнты ясәң 5-9-мит классән вәндтәты пәты табличайт» па «Взгляд изнутри культуры» немпи киникайт хәншәс.

1991-мит олд вўш эвәлт А.С. Сопочина Асугорской научной институтн рәпитл, 1994-мит олд вўш эвәлт тәм институт Сәрхант-Варьёган научно-фольклорной архив кәщя вәл.

Аграфена Семеновна ясәң щирн, иса вәдупсы мутрыя лўв щатщәщелн Павел Николаевич Песиковән вәндтәсы. Лўв хўв вәдупсәд мәр гражданской далә шиваләс, Юхан хонәңән хәнтәт щирн вәс, така йис вәдупсыя катләсман вәс.



Лўв йис путрәт, моньщәт нявремәда па хилыдала моньщәс. Щатщәщел йилуп верәт оләңән уша верты вўратәс, щирн ипўш нөрүм мўва вантты яңхәс, муй щирн юрн мир вәл. Ши юпийн кәт олд мәр нум Аса яңхәс, дәлн Китай мўв вәнты яңхты. Вўды тащ дывәлтты хә имәд Татьяна Павловна Песикова (Кантерова) пида лўв ащела тащ 300-кәм вўды вәншәкә версәңән. Павел Николаевич хўв вәс, хән нәптәл 114 ола йис лўв хўв пәнта мәнәс.

А.С. Песикова әңкеләщел оләңән ищи әмщә путәртәс. Семен Павлович Песиков па Марфа Константиновна Песикова (Рыноква) вой-хўд велпәслуман вәсәт па вўды тащ тәйсәт. Ащел Пим кәрт хуца Калинин немпи колхозн секретаря, ревизора вәс, щәлта колхозләп тәхәртты вәнты вух лўңәттты хәя рәпитәс. Әңкел далә пурайн тарма рәпитәс, щирн «За доблестный труд в годы Великой Отечественной войны» мевд пос тәйл. Айтәлн Аграфена-эвие әңкел-әщел пида Аса хўд велпәсләты яңхийдәс, ши пурайн па хәнтәт пида вәтәңа йис.

Ванлтупсыйн А.С. Сопочина лўв вәндтум ехдал оләңән ищи нәмәлмәс.

А.И. Герцен немпи пединститут вәндтум алтайской ясәң кафедра па дыв группәл кәща Нина Ивановна Гладкова па вудан хәнты учёный хә Николай Иванович Терёшкин. Институтн лўв хәнты мир учёноя шеңк нәтәс, иёрн кәт вәндтәты киника есәлсәңән.

Интәм ияха лўңәттты ки, Аграфена Семеновна Сопочина 22 вәндтәты киника, словарят па арсыр научной статьяйт хәншәс. Вәдупсәд мәр арсыр вәнт шушета яңхәс, тәм ванән учёной ех пида Вән Юхан ас хўват 380 километра хопн вәщсәт. Хәнты «Ханто» община верәс, ай вўды тащ тәйл. Аграфена Семеновна кәт няврем енмәлтәс, щит Мартиныш па Мария.

Ювәләңән етнхотн Валерий Ледков увәс мирев стихәт хәншты ех арәт арийс. Ши юпийн хәнты учёный ими Евдокия Немысова Аграфена Сопочина Николай Терёшкин сот ола ювум пәты етум киника мойләс.

Ши вәйтәнтупсы юпийн хәнтәт па вухалят немасыя мавәң-сурәң пәсан әкәтсәт, шай яньщман Аграфена Сопочина эвәлт арсыр верәт оләңән иньщәссәт.

Людмила СПИРЯКОВА

Ром па рэпата пелды сэмәң ими

Галина Петровна Юрьева Нуви сәңхум район Ваньщавәт кәртән хәс нивд ол нявремәт хәтл мәр давәдты хотн пәсәнтыйдты неңа рәпитәс, яма рәпитмәд пәты «Ветеран труда ХМАО» немн мәсы.

Галина Петровна сема питәс Соуслан кәртән 1952-мит одн. 1956-мит одн аңкел-ашел пида Ваньщавәт кәрта касәлсәт, ши пурайн ванән вәдты колхозәт яха пиләттыпитсыйт. Ашел – Петр Степанович Юрьев – хұл велпәсләты хуята вәс. Аңкел – Екатерина Ефимовна Юрьева (Молданова) – 16 ол мәр колхозн мис пәсты неңа рәпитәс. Щит пәты «Орден Трудового Красного Знамени» мевдпосн мийдәсы. Семьяелн хәт няврем вәс, щит Ксения, Альберт, Галина, Лидия, Антонина, Людмила.

Лыв эвәдтәда төп Ксения па Галина хәщсәңән. Ксения Ивановна ар ол мәр Сүмәтвошн вәд па леккара рәпитл.

Галина Ваньщавәт кәртән нивд класс етшуптәс па нявремәт давәдты хотн рәпитты питәс. Хәс нивд ол мәр яма рәпитмәд пәты «Ветерантруда ХМАО» немн мәсы. Наташа эви енмәлтәс. Ин кәт хилне тәйл, дын Нуви сәңхум вошн вәлдәңән, лүңән аңқаңкел хуши рүттыщаты юхтылдәңән.

Тынаң Галина Петровна, ма нәңена вүща ясәң лупты ләңхалум.



Тәлана, уяңа ар ол мәр вәда. Хилнеңдан нәңена амәт ат тәлән!

Надежда РАГИМОВА

Сорни ёшпи не

Мәнум товийн Поднавәт воша яңхемн хәнты не Надежда Гришкина пида вәйтәнтыйдсум. Путәртсумн вәлупсәдн мәнум верәт олаңән.

Надежда сема питәс Касум вошн. Ай пура олдал щәта мәнсәт. 1980-мит одн вәндтыйдты мәнәс, ашкола-интернатн вәс. Щәта 9 класс етшуптәс па совхозн мис пәсты неңа йис. Вет ол мәр щәта рәпитәс. 1997-мит одн икия мәнәс, икел пида Түкьякәң кәрта касәс. Икел – Георгий Матвеевич Гришкин – яңкем ол Түкьякәң кәрт кәщая вәд. Щәта Надежда арсыр тәхетн рәпитәс, нянь верты неңа,

лапкайн пиркашека, пәдъницайн санитарка.

2002-мит одн олаң эвел сема питәс, яңкем ол айдат аңки юдн нявремәд пида омсәс. Икел пида хәлүм няврем енмәлтсәңән. Вән эвел ин хәтмит классән вәндтыйд, кимит эвел – кимит классән, ай пухиел тәм одн олаңмит класса мәнәс. Надежда Алексеевна лупл:
– Щәлта ма кәщә ёхн культура хотн рәпитты вохсаюм. Айтел вүш эвәдт ма ёнтәсты, тыйты семинарәта яңхлүм. Ма сәмем ләңхәс, ши вәндсум. Аңкемн юрн хотнищи ёнтәсты партсаюм, пунаң сүх эвәлт пуркайт ёнтсум.

Икем пида яха мәнсумн, дыв ши пурайн мисәт, ошәт тәйсәт. Ши ош пүн эвәлт вей тыйты вәндсум, щәшкан сәх ёнтты питсум. Ернас ёнтты вер ма юдн па тәйсум.

Интәм Надежда Алексеевна па Георгий Матвеевич иши мисәт-ловәт тәйләт. Вән воша вәдты мәнты ән ләңхаләт, вүтн вәдты нюхи, есум йиңк, хұл вәд.

Н. Гришкина кўлупн кәщая рәпитл: «Олаң рәпитты питмемн кәртән мир аршәк вәс, ин иса шимда йис, уша мўдты ләщәтлән, немхуят ушәна ән юхәтл, атәлт кўлупән омәслән, нумсән вана юхәтл, муй верты. Хәлүм хуят юхәтл, кәт няврем, па ши».



Ар хуят муй шимд юхәтл, Надежда Алексеевна неңәт пида кәртәң мир пәты йис еманхәтләт верләт: вурңа хәтл, тыләщ поры, хұл велпәсләты ёх хәтл, Петров хәтл, 9 май... Ши тумпи лүв ай эвиет әкәтләлдә, ёнтәсты, сәк кәрәтты вәндтәлдә. Верум пурмәслад окружной па районной кәсупсәта китләт. И эви мәнум одн «Лучший сувенир округа» кәсупсыйн олаң тәхия питәс.

Ма Надежда Алексеевна яма вүща ясәң китлүм, ләдн лүв хоттел ехләд пида уяңа, тәлана ат вәс. Лүв сорни ёшнән унтасн аршәк эвитәса ёнтәсты неңәта ат йиләт.

Надежда НОВЬЮХОВА



Йилдуп ол Ас хәдты тыдәш 1-мит хәтл вүш эвәлт округев хуваттын шурәс җх нух хәнштыя немасыя тәхи тывл.

Шурәс җха йиты пәты кашәң хәннехә веритл ши немасыя тәхия лүв саттәда, пәшчта хуват иса мосты непека́т китты. Ши электронной непека́т имухты немасыя Управление сайт хуца мәнл.

Ши тумпийн сыры ширн налог инспекция тәхия иши мосты

«ЛУКОЙЛ – Западная Сибирь» немпи мўв идпи питы вуй вўты тәхи җх Русскинской кәртәң вәндтгйдты нявремәта автобус мойдәсәт.

Шит лыпәт хойты тыдәш 1-мит емәңхәтл пәты мойдупсы. Шит округ правительствта па «ЛУКОЙЛ» немпи мўв идпи питы вуйт вўты тәхи күтн «Кашашты непек» унтәсн версы.

«FIAT» немпи хәс кәт няврем пәты автобус тәм йис ширн верман

Савчук па Сенгеповәт хоттед җх ям вўща ясаң китләт.

Ям вўща ясаң Ёмвош округевн вәдты «Хәнты ясаң» газетаев хуват ши хәннехуятәта китлүв, мәта җх ар җр па нумәс пунәс, хурамәна па яма «Хоттед җхлүв ол» вудаң емәңхәтл Югра мўвевн тәм 2014-мит одн постәты па тўңширәңа ләшәтты. Тәлаң җш па тәлаң күр ши җха луплүв па елды вәдты-холты ширевн ишиты шимәш хурамәң

непека́т мәты рәхл.

Ләшәтум непека́т немасыя тәхийн муй налог тәхийн вет хәтл юпийн җша вўты рәхл.

Ши тумпийн шурәс җх непека́т копияйт тәп йилдуп немасыя тәхийн верты питлдыйт.

вәд: няврем луват омәсты тәхи, немасыя хотхәр, сыйты утәт.

Ши тухалпи шәта тәса па мосты тәхета кеншәка яңхты пәты карта хурасуп «Глонасс/gps» ут версы.

Хәнты ясаңа тулмашәтәс Людмила СПИРЯКОВА

па әмәш емәңхәтләт дыв эвәлтәда лавәдты питлүв!

Савчук па Сенгеповәт хоттед җх, мәта хәнтәт ар ол мәр иса хәннехә мәшәт ямәдмән вәлупсы хуват рәпитләт Сытомино вошн Сәрханл районән Югра мўвн вәдты хәннехәйт

Тохтўра лўңты шира хўв мәр лавләсты ән мосл

«Пәльница очередь такды» – шимәш нем тәйл йилдуп вер, мәта ут тәм лўң эвәлт рәпитты олңитәс. Шит интернет хуват сыры арсыр мосты тохтўрәта нух хәншаньшты вер, ләдн тохтўра лўңты шира хўв мәр ән лавләсты. Шаль, хуты итәх пурайн 40-60 процент арат нух хәншаньшум җх елды мосты тохтўрәта ән юхтгйдләт. Тәм вер оләңән ямсыева «Центр медицинской профилактики» немпи сайт хуца вәты рәхл па хәншты, муй нын нәмәсләты йилдуп вер оләңән, муй па верты мосл.

Тәмхәтл вәйтантупсийн путәр мәнәс, муй мосл верты, ләдн пәльницайтн очередь ән вәс. Мирхота округ мир ямәдты вер тәты департамент кәша хә Александр Филимонов, Нижневартовск вош нявремәң леккар хот кәша не Татьяна Загинайко па Ёмвош нявремәң поликлиника кәша не Лариса Тандалова юхтгйдсәт.

Александр Филимонов лупәс, хуты кашәң лўң-сўс пурайн Ёмвош, Нижневартовск, Сәрханл па Нефтеюганск вошәтн пәльницайтә шеңк ар мир юхтгйдләт, нявремәдала арсыр справкайт вўты шира. Тәм нўша тўңматты пәты мосл әкмум мир кәтна ортты: тумтак җх, мәта

хуятәта тәп справкайт вўты мосл па мәшәң җх, хуйтат елды лекшитты питләт.

Татьяна Загинайко ясаң ширн, тәм одн Нижневартовск вошн корь мәштывәс, ширн пәльницайтн хот йит ән тәрмәс.

Лариса Тандалова лупәс, округ пәльницайтн юхтум мир кәтна ортсы: итәт – педиатрәт пәты, кимит очередь җх арсыр тохтўрәта. Ши тумпийн әшколайт ай тохтўрәт иши анализәт вўсәт па шәлта справкайт мәсәт. Йилдуп ол сўс едпийн хәтл мәр ай нявремәт тәйтә хотәт ай тохтўрәт иши справкайт мәты питләт.

Людмила ЛОНГОРТОВА

Тюмень мўв губернатор ики пирисы

2014-мит ол лыпәт хойты тыдәш 14-мит хәтәдн Югра па Ямал мўвнәңән вәдты мир Тюменской область губернатор хуят пирисәт. Шит пәты округев луваттын пиресты тәхи кәша ики Андрей Павкин, ишимәш тәхи кәша ләңкар хә Денис Корнеев па тәм тәхи секретарь ими Ксения Дмитриева Ёмвош «Югра» немуп РИЦ хот йитн айкел хәншты па әкәттә җха айкел тәсәт, мәта хуят нух питәс.

Кәша җх ясәт эвәлт уша йис, округевн пиресты хәтл яма мәнәс. Пириты тәхета 386 596 хәннехә юхтыләс. Шит 35, 22 процента арат Югра мўвн вәдты иса мир эвәлт.

Тюменской мўв губернатор хуят Владимир Якушев пирисы. Лүв пәтәда 83, 39 процент арат непек есәдсы. Кимит тәхийн – Михаил Селюков, 9, 14 процент арат, па хәлмит – Владимир Пискайкин, 4, 29 процент арат непек мушәтәс. Мет яма Нуви сәңхум, Сўмәтвош, Нефтеюганской, Нижневартовской, Советской па Ёмвош районән вәдты мир пиресты тәхия юхтгйдсәт.

Тюменской мўв губернатор тумпийн иши хәтәдн итәх кәртәт кәшәйт пирисыйт. Шиты Болчары кәрт кәшая Сергей Мокроусов йис (81, 51 процент арат). Ларьяк кәртәң кәшая Евгений Звезда пирисы (81, 36 процент арат). Нижнесортывской ай вош кәшая Петр Рыморев нух питәс (64, 45 процент арат). Сәрханл район Белый Яр ай вош кәшая Елена Никифорова пирисы (41, 22 процент арат).

Ши тумпийн Междуреченской, Мортка, Болчары, Ләңки пос, Сибирской вошәт, Советской па Ёмвош районән депутат җх пирисыйт. Мосл ястәты, нух питум депутат хәннехуятәт иса «Единая Россия» немпи партия җх эвәлт вәдләт.

Ирина САМСОНОВА

Сытомино кэртэң ёх вэлупсы



– Людмила Анатольевна, мата од вүш эвэлт нэң шушия вэлты ханнехуятн Сытомино кэртэң кэщяя пирисийн, хута енумсэң па муйсэр тэхетн тэмэщ рэпата верата вэндтэйдсэн?

– Сытомино кэртэң кэщя неңа ма тэняд од лыпэт хойты тыдэщя вельщи пириسيوم. Щи щирн и ода тэп йис, хуты ма тэм тэхийн рэпитлдум. Тэм вулаң вер едпийн ищиты кэртэң кэщя хот йитн арсыр мосты непекэт воинской учёт па гражданской оборона дэщятты не щира вэсум. Эхэт Российской государственной социальной университет филиал Сэрханл вошн менеджер не щирн етшуптэсум. Щи вер едпийн тэм Сытомино кэрт хущи сема питсум, енумсум па ашколая вэндтэйдлыт яңхсум. Эхэт икия мәнсум. Ин икем пила кат няврем енмалдумн. Щи щирн, хута сема питсум, щит тэхийн елды вэлтыхолты щит хэщсум.

– Нэң, алпа, веритдэн Сытомино кэртэң мир вэлупсы олаңан айкел мәнэма веры па лупты, муй щирн нын тата вэлэты?

– Рэпатаем мэнты щирн уша йис, хуты итэх нүша верат мүн тата па тэйдүв. Сыры олатн ма щит утат олаңан иса аң па нэмэссум. Мет давэрт верат мүн район кэщайлүв нётупсы унтасн тата тунматлүв. Итэх кеншак муй айшак верат мүн эрлүвн-щомлүвн ямсыева и тэхийн тата ямаллүв. Кашаң хэтл мар, вантэ, кэртэң мир лүв нүшайдал лэщятты пата мүн хущева юхэтл па муй щирн веритлүв, щиты дывела вешката нётлүв.

– Людмила Анатольевна, мата од вүш эвэлт Сытомино кэртэң омэссы па муйсэр хуятат мет олаң пурайн тата ар пелак вэсэт?

– Ияха арсыр непекэт акатты ки, щит рэхл лупты, хуты мүн кэртэв 1924-мит од вүшн вельщи тывас. Щит, ма щиремн, ищи юврая ханшум щир. Мосд нэмалдмэты 18-мит йис пурайн вэдум Россия хон пелак непекэт, мата утат хущи тунцираңа Сытомино кэртэв олаңан ханшман вэл. Иса, вантэ, щит йис олат вүш эвэлт рүщ мир ханнехуятат тыв касалдсат па тата арсыр йилуп кэртат омэссат. Ищиты щит Дарко-Горшково па Куш-

Тата мосванан вэйт дор тыдэщ 24-мит хэтл вүш эвэлт па иса 27-мит хэтл вүш вэнта рэпатаем щирн Сытомино кэртэң Сэрханл районан вэсум па арсыр ханнехуятат пила вэйтантайдсум. Мет олаңан кэртэң кэщя не Людмила Анатольевна Бахметова эвэлт айкелат уша версум па тэмиты лүвел иньщэссум.

никово кэртэң катра пурайн тывсаңан. Сытомино кэртэв, алпа, ищи щиты омэссы. Тэп мүн, айлат ёх, тэм йисн ищипа щиты лүңэтлэв, хуты кэртэв 1924-мит одн вельщи тата хуятатн версы. Вера ар ханнехэ мүн кэртэва 1930-мит олатн Россия арсыр тэхет эвэлт эрн тыв китсыйт. Щит ханнехуятат унтасн ин тэмхэтл вэнта Сытомино вэн кэрта лүнтасл.

– Муй араг хуят тэмхэтл нын кэртэң хущи вэл па муйсэр тэхетн дыв худыева рэпитлэт?

– Непека ханшум щирн ки ямсыева лүңэтты, щиты рэхл лупты: шуши мир ханнехуятат эвэлт Горной нумуп кэртэв пила мүн хущева катсот мултас ханнехэ тэйдүв. Дыв тэмхэтл рэт щирн тэйтэ мувладн вэлдэт. Тата, вантэ, йис пурайт вүш эвэлт ар пелак ищипа хантэт вэсат, щадта муртэң юрнэт муй вухалят па ликумлат. Ар мир ияха ки лүңэтты, щит шураc ветсот ветьяң вет ханнехэ Сытомино хущи тэмхэтл вэл. Юхи хэщум

олатн арсыр мират дыв күтэлн ияха дылтэсты питсат. Итэх щосн икел – рүщ, имед па ханты. Тэм йисн ям ар щимэщ хоттелд ёх мүн тата тэйтэ питсүв.

– Людмила Анатольевна, муй щирн нын кэртэң ёхлэн вэлты хотэтн мэдэйт?

– Тата вэлты хантэт йилуп хотэт ёша паватты субсидия вухэтн Сэрханл районэв эвэлт мэдэйт. Щит верат ма, вантэ, ямсыева аң вэйтлдум. Мүн хущева администрациян хот иса аңтэм. Катрая ювум хотэт эвэлт итэх хоттелд ёх ешавэл йилуп хотэта касалты питлэт. Щит пата немасыя верум поступсы щирн районэв кэщайт тата вэн па лашкам йилуп хот омэслэт. Ар пелак тата вэлты хуят мет олаңан мув государства эвэлт лэтлэт па щит вер юпийн дыв веритты щирелн арсыр мосты непекэт акатлэт па хотэт щит омэслэт. Мосаң, щит пата юхи хэщум олатн мүн кэртэң ханнехуятлүв дывела ям ар хот йилпа версат.

– Нын кэртэңан, алпа, щимэщ ёх вэлдэт, мата утат иса рэпата аң



тэйлэт?

– Мүң муниципальной «Восход» немуп тахи тата тэйлүв, хута ар пелак көртән хәннехә хұд ведпәслуман па сырсыр детутат верман щата рәпитлдат. Ям ар хуят ашколайн, нявремат давалты хотн, көртән көща муй рүтьщаты хотатн рәпата дыведа муцтасат. Щи тумпийн вера ар көртән ёх мұв илпи тащ вўты тәхетн рәпата тэйлдат. Мосл, ма щиремн, щиты ямсыева лупты, хуты тәмхатл рәпатайды хәннехә мұң хущева иса аңтам.

– Тата көртән көща хот едпийн ма кев хурас вантсум, мәта олн Вудаң даля яңхум ёх пата щимәщ хурамәң тахи щата версы?

– Щи кев хурас тәп 2006-мит олн тата йилпа ләщатсы. Ашколаев лепн па катрая верум кев хурас ищиты тэйлүв. Лүв 1961-мит олн щив омәссы. Кашәң Вудаң далё емәңхатлпостаты пурайн мұң көртән хәннехуялүв иса щив яңхлат па далё пура верат айкелат тәлдат. Ин юхи хәщум олатн Сытомино көртэв хущи тәп муртән щимәщ хуятат хәщсат, мәта ёх далё мәнум мәр колхос хущи арсыр давәрт рәпатайт версат. Мет пирәщ ими дыв эвәлтәда тәм пұш ай ярсот вет ода щи йис. Лүв тумпедн яртгяң хәннехә тата па вәд.

– Людмила Анатолевна, нын көртән рүтьщаты хотн хущи, адпа, шуши мират якты-ариты хот тэйлды?

– Мұң Сытомино көртән рүтьщаты хотэвн «Әмәщ не» немуп якты-ариты хот тэйлүв. Дыв кашәң шуши мир емәңхатлатн арсыр хурамәң якәт яклат муй арат арилдат. Щи тумпийн па арсыр рүщ якты-ариты тәхет ищиты тэйлүв.

– Пәмашипа нәңена, Людмила Анатолевна, тәм айкелдән пата! Тәдаң ёш па тәдаң күр нәңена!

Владимир ЕНОВ

Антитеррористической верата вәндтәлдыт

Лыпәт хойты тыләщ 15-мит хәтәдн Ёмвошн Югра мұв Антитеррористической тахи ёх мирхота әктәщийдсәт.

Вәй тантупсыин әктәщум мир антитеррористической верата вәндтәты щират олаңән путәртсәт. Щи юпийн тәм тахи көща ёх нумса хәтәсәт Нягань вош па Мастар районән щимәщ вәндтәты вер ләщатты. Щит пәты лыпәт хой-

ты тыләщ 15-мит хәтл хәт щос хәлүмьяң минута етн педа вўш эвәлт Нягань вошн па Мастар районән вән, вўщлүм (рүщ щирн «жәлтый» уровень) пәлтап террористической вәндтәты ут пұншы. Тәм пәлтап вәндтәты верләптәхәрды

тәп щи пурайн, хән вошн вәдты мира немәлт пәлтап тәты аң пилд.

Тәмащ вәндтәты верат немасыя ләщатдыт, ләдн округев луваттыйн мир давәдман тәйты тахи ёх имухты веритсәт вәдты мира нәтты.

Хәнты ясаңа тулмащтәс Ирина САМСОНОВА

Хотат па щирн йилпатты питлдыт

Тәм ванән округев хұваттыйн хотат хошмәлды, нуви тўт вўщитты, каврум па потум йиңк мәты верат тәты тахи департамент көща ики В.Н. Нанака па хотат йилпатты Югорской тахи көща хә С.В. Макаров айкел кәншты па хәншты хуятат пилда вәйтантыйдсәңн.

Виктор Нанака яснәт эвәлт уша йис, хуты васы мәнты тыләщ олаңмит хәтл вўш эвәлт коммунальной верат пәты сухуптәты непекәтн хотат йилпатты вер пәты кашәң тыләщ вух вўты питды. Вантэ, Россия мұв луваттыйн 2014-мит ол вўш эвәлт хотат йилпатты рәпата пәты аңтәтәп правительствә ёх вух есәлдыт питлдат – лүв сәттәда хот тәйты хәннехә щи вер пәты ищи кашәң тыләщ вух сухуптәты питл.

Югра мұвн щимәщ поступсы 2014-мит олн Ас нопәтты тыләщн хәлүмьяң ол елды педы ләщатсы. Щив округев хұваттыйн хәт шураң ярсот хәлүм хотнух хәншы. Ищурәссотнядьяң кәтхот хәлүм ол мәр йилпатты нәмәсды.

«Жилищной кодекс РФ» немпи поступсы щирн вера катра хотатн (рүщ щирн аварийной) па 70 процента арат вевтама ювум вәдты-ходты хотатн вәдты хәннехуятәт йилпатты вер пәты вух сухуптәты аң питлдат.

Виктор Нанака яснәт щирн, мосәң, щи пурайн ар нартурпәң хотатн вәдты

Сыр-сыр хотат	И квадратной метра пәты сухуптәты вух арат		
	2014 олн	2015 олн	2016 олн
Юх сух эвәлт хотат	8,55 шойт	9,10 шойт	9,55 шойт
Панельной хотат илды-нухды яңхты хушап такды	12,05 шойт	12,80 шойт	13,50 шойт
Панельной хотат илды-нухды яңхты хушап пилда	13,85 шойт	14,70 шойт	15,50 шойт
Кирмәщ ар нартурпәң хотат илды-нухды яңхты хушап такды	10,75 шойт	11,45 шойт	12,00 шойт
Кирмәщ ар нартурпәң хотат илды-нухды яңхты хушап пилда	12,35 шойт	13,15 шойт	13,80 шойт

мир шавиман вәдты хотат тәйты питлдат. Тәм олн 369 вәдты хот йилпатды. Щи вера 1 миллиард 843 миллион шураң шойт вух мәнл. Щит 226 миллион шураң шойт государственной вух; 66-кем миллион хотәт хошмәлды, нуви тўт вўщитты, каврум па потум йиңк мәты тахи вух; Югра мұв правительствә эвәлт 115 миллион шураң шойт вух; ай вошәт, көртәт тәхет эвәлт 45 миллион шураң шойт вух; лүв сәттәда хот тәйты хәннехә эвәлт 1 миллиард 616 миллион шураң шойт вух щив мәнл. Ёмвош мет

олаңән Чехова па Ленина вош хулыңән омәсты хотат йилпатты питлдыт.

Сергей Макаров әктәщум хуята путәртәс, хуты тәм ванән округев хұваттыйн ар нартурпәң вәдты-ходты хотат лыпийн илды-нухды яңхты нядгяң нял йилуп хушап омәсды. Щи эвәлт мет ар Нягань вошн - хәс кәт хушап. Мосл ястәты, хуты и щимәщ илды-нухды яңхты хушап кәт миллион арат тын тәйл.

Ирина ПОСЛОВСКАЯ

Дын сэтгэна вер тайты

Ёмвош округев дуватгийн Пилипец опрац нем иса мирн яма вэды. Вантэ, 1990-мит одатн кат яйнән-нёмәснән Александр па Сергей Сүмәтвош районән мет олаң дын сэтгэна вер тайты хуятнәна вәснән. Дын вәдупсы өшн арсыр давәрт суртат па шөк верәт етлясәт, тәп каркам па хәрши хәннэхәйнән немәлт ут ән пәдман тәса рәпитман елды вәснән.

Александр па Сергей нёмәснән 1955-мит олн Свердловской область Шалинской район Курьль кәртән сема питсәнән. Сырья дын мәшды шүщә пушхиенәна вәснән. Кәт-хәлүм од дуватгийн уша йис, хути нявремнән еш-күр па шәнш дүв кәши-мөш пида сема питсәнән. Щит пәты дын әл хәннэхә киньща вера дел күтуп пәдат эвәлт вәснән.

Аңкән – Лидия Михайловна, ашән – Николай Владимирович, ияха вәдман мәр хәлүм эви: Любовь, Вера, Надежда па кәт нёмәснән пухнән Александр па Сергей енмәлтсәнән. Мет вән упенән ипүша яйнән пәда вантман вәснән. Вантэ, Александр па Сергей айтелн шеңк юнтән нявремнәна енумсәнән.

Айлат пурайн Александр па Сергей ради-ва вер сәмәна тайсәнән. Дын хот йитн ям арат катра ради-ва па щитәт ләшәтты шүңкәт вәсәт. Яйнән ипүша мудты версәт, карты утыет ияха кәрәтсәнән. Шәлта дын ешнәнән верум йилупра-

дива хәдәнтсәнән.

Ашколайн вәндтгәйлдты пурайн яйнән-нёмәснән тынесты вер ләшәтты питсәнән. Лүң рүтышәты пурайн дын Курьль кәртән хүд вәдпәсләснән, шәлта автобус додты тәхийн әктәшүм мира тыныснән. Әмәш, хути кәртән хуятәт пәты щит шеңк мосты вер вәс, дыв ипүша шәта Пилипец яйнән дыләң хүдәт пида лавәлсәт.

Тәд пурайн Александр па Сергей духн хәтәтляты вер мосман тайсәнән, дын ипүша вәнтән войт катәлсәнән. Мосдәстәты, яйнән немасыя дын пәдәтнән-дүватнән ешн духнән версәнән. Аңкән-ашән нёмәснән шеңк мосман тайсәнән, пидаң нявремдәнән верум тәс па ям верәтн юрәшсәнән.

Ашкола юпийн айлат яйнән Пермской мұв Кунгур вошәң немасыя вәндтгәйлдты тәхия мәнсәнән. Хәлүм од мәр дын вух дүңәтты па ортәсты хуятнәна вәндтгәйлсәнән. Айлат яйнән ши пура олаңән ванкүтды

нәмәлмийдсәнән. Ши пурайн Александр па Сергей хүв әптәт тайсәнән. Дын гитара немпи нарәсты юхн яма юнтсәнән, күтәнән ләхсәна вәснән. Щит пәты вәндтгәйлдты айлат ех күтн дын яма тайсыйнән.

Вәндтгәйлдты тәхи етшуптуман юпийн яйнән Увәс мұва Поднавәткәрта рәпитты китсыйнән. Кәртән Александр хәнты айлат не Вера Пятникова пида вәтәна йис. Вера Ивановна Тукьякәң кәртән сема питәс. Ащел-әңкел вой-хүд вәдпәсдүман вәснән. Ашкола юпийн Вера хотдыпийн нерәсты неңа вәндтгәйлдәс. Рәткәрта юхәтмәлн Александр Пилипец пәда икия мәнәс.

Әхәт яйнән-нёмәснән Сүмәтвош район Тәк кәрта рәпитты вохсыйнән. 1978-мит олн Александр па Вера хотгәд ехн олаң Наталья эви сема питәс. Ши пурайн айлат семья Ай Ас юхан пүңәлн ом-сум павәрт хотыенән вәсәт. Шәлта 1979-митн кимит Татьяна-эви Нуви Тәрум илдия юхтәс. Й ол юпийн хәдмит Надежда пушхие кәтлсәнән. Шәлта 1982-мит олн Тәрум Ашийн Сергей пухн мойләсыйнән. Щиты тывәс, хути эвиет ащел иты мәшәң хәннэхуятәта сема питмәл. Сергей пух тум-такхуятә енмәс. Әхәтшәк ар няврем хотгәд ех йилуп хотн мәсыйт.

Хәнты кәртән Александр – вух дүңәтты хәя, Сергей – интернәтн завхоза рәпитты питсәнән. Әхәт яйнән-нёмәснән нумса питсәнән вәнтән юх павәртәт евәтты, түтүх сопаса ләшәтты па щитәт кәртән мира тракторән тәты. Алек-



Наталья

сандр па Сергей күш кәшәң еш-күр тайсәнән – рәпата тумпийн дын вой-хүд вәдпәсләты вер пәды сәмән вәснән. Кәртәң мир күтн иши ләхсәна, ипүша арсыр утн нәтәсман вәснән.

1989-мит олн яйнән пәрәш енмәлтты вүянтсәнән, ләдн елды пәрәш нюхи тыныгыт. Дын тащәтн кәтсоткем пәрәш вәс. Тәп ши вер айлта елды давәрта мәнәс. Вантэ, увәс мир йистелн вәнтән вой катәлсәт, Ас юханән хүд мошәтсәт, щит пәты пәрәш нюхи шеңк ән мосәс. Ашколая, интернәта, нявремәт хәтл мәр давәтты тәхия тәп нюхи рәхәс мәты. Ипүш Сүмәтвош эвәлт ям арат пәрәш нюхи вохсы. Яйнән войт хурсәнән, тәса ләшәтсәнән. Роман, дынәна ястәсы, хути нюхи ән мосл. Щит рувән дүң пура вәс. Нюхи немхүдәт пунты щир әнтәм вәс. Муйкем веритсәт – тынысәт. Вән шоп вой нюхи дын щиты әл мұва хирсәнән...

Ши юпийн ешәйе кәртән хотәт омәссәнән. Еша вәс па ай лапка пүншсәнән. Ши мәрн Александр имәд Вера Ивановна тәләңтәдн пушхиәдәл ямәлтман вәс. Атл-хәтл дүв эвиәдәл пүңәлн омсәс. Ши пу-



Александр Пилипец хотгәд ех па Сергей яйл пида

ОЛҘҢМИТ ХУЯТҢАНА ВЭСҢАН



Татьяна эвиенәл пида



Надежда



Михаил



Николай

райн дүв и олтман эвиет Курган вош Г.А. Илизарова немпи пәдъница тәтләсәт. Мет олаң вән Наталья эвән күрнәл еша ямәлтсыйнән. Кимит одн – Татьяна эвие, юволаңән мет ай Надежда пушхие лекшитсы. Нявремәта ши пурайн шеңк давәрт вәс, йилпа күрн шәшты вәндсәт. Дүвдал-сомдал ши мурт кәшаң вәсәт – щом иса әнтәм вәс. Тәп сорни әңкие Вера Ивановна пушхиет пүңалн ипүша ванән вәс.

Ши мәрн яйнән-нәмәснән Тәк көртән йилуп дапка омәссәңән. Тәп ши тахи ешайе рәпитәс – хуятн неман дапкатүтн пунсы. Щикүш давәрт вәс, муй арат вух ши вера есәлсәңән, муй арат әр пунман вәс. Тәп пәлтапды яйнән хәлум пүш йилпа тынесты вер ләщәтты питсәңән.

Кашәң ол яйнән-нәмәснән нявремәт Украина мұва әңкидал-ащидал хуша тәтләсәңән. Ипүш щәта и яй-нәмәс мил әнтәсты тахи етшуптәс па елды хуятнән вой сух эвәлт миләт әнтты питсәңән. Вантә, вой велпәсдәты дын әйтелн вәндтыйлсәңән. Щит пәты дын па хоттеләхдал иса вой сух милн тәйсәт.

Айдтыевалын ләщәтум

верн яма мәнты питәс. Әхәтшәк 1996-митн одн дын Сүмәтвошн йилуп «Надежда» немпи дапка пүншсәңән. Тамәш немн дын немасыя дапка альсәңән. Вантә, ши пурайн ай Надежда-эвие Курган вош пәдъницайн вәс. Дүвдал ши мурт кәшаң вәсәт – күрнәл нюхтәты вер әнтәм вәс. Хүв мәр эвие яма йты ән лаңхәс. Щит пәты ащел Александр Пилипец термалуман эвиел хуша мәнәс. Мосдәстәты, хуты ши вәнта дүв вән вош пәдъницая әнт яңхәс. Надежда пушхие пида яма путәртәс па лупәс, хуты йилуп дапка дүв немн альщәты питды.

Иши мәрн Сергей Пилипец Сүмәтвоша касләс. Ими тәс, кәт пүхнән сема питсәңән. Интәм вән Михаил пүхл хәс ода йис, Николай – дапәтхушъяң ол вәнта енмәс.

Еша вәс Александр хоттеләхдал пида иши район воша вәлты-холты мәнәс. Ши мәрн вән эвәңән Наталья па Татьяна ашкола етшуптәснән па Пермской мұвнащел вәндтыюм тахи пирисәңән. Әхәт Надежда иши щив вәндтыйлты юхтәс.

1998-мит одн яйнән-нәмәснән Сүмәтвошн кимит «Русь» немпи

па Ләв көртән и дапка пүншсәңән. 1999-митн айлат Наталья па Татьяна эвәңән вәндтыйлты тахи етшуптәснән па Сүмәтвошәң «Русь» немуп дапкәйн рәпитты питсәңән.

2001-мит одн Сергей Пилипец әнтәма йис. Хәшум нәмәса пидыел такды шеңк давәрт вәс. Вантә, дын әйтелн и нумәсн, и әрн вәлупсы хуваат шәшсәңән. Хәлум ол мәнум юпийн Александр иши па мұва мәнәс. Наталья, Татьяна па Надежда ащел па акул ләщәтум тынесты вер елды тәты питсәт.

2008-мит одн Вера Ивановна әнтәма йис – сәмл мәшәң вәс. Вантә, вәлупсы мәр дүв ивдапа сорни пушхиет ямәлтман, дывәт атл-хәтл лекшитман иса муй әр тәйс – нявремәта мәслә. Александр Николаевич па Вера Ивановна вәдман иса пурайн дәнхаснән, дәдн Сергей пух дыв сәттәл ләщәтум верелды ат тәс. Вәлупсы щиты тывәс, хуты Сергей пасыр вәлупсы әш пирийс. Кәт ол мәнәс – Сергей пух хува панта мәнәс. Иши пурайн әнтәма ювум Александр па Сергей нәмәснән вәна пелка әңкидал-ащидал сурма питсәт.

Эвиета шеңк давәрт вәс. И пуляң дыв тынәң рәт әхлал вәтшәсәт. Алпа, ши шәк вер эвәлт дыв мет әраңа йисәт. 2011-мит одн дыв Сүмәтвошн йилуп «Удача» немпи дапка пүншсәт. Ин вәнты Наталья, Татьяна па Надежда ащел акул ләщәтум тынесты вер елды тәләт. Ши тумпийн тәмхәтл Миша па Коля Игрим вошн вәндтыйдәңән. Ешавәд дын ищипа вән йивзевата тынесты вер елды тәты нәттты питләңән. Дыв енмупсалад күтуп пәдат эвәлт щикүш делшәк, тәп нумәслад па әрдал каршәт. Ин вәнты дыв дапкаела мир юхәтл, вантә, әңкидал-ащидал ям ясәңән нәмәлдмийлдыйт.

Итәх пурайн кәшилы-мәшилы хәннехә әл рәпата ләщәтты щом ән тәйл, ши пурайн хән әйтелн мәшмәлдтум хуятәт ши мурт вән па давәрт вер тәләт. Тәп рәпата пәда каркам хәннехәйнән, пәлтапды панумсәңхуятнән яйнән-нәмәснән давәрт 1990-мит оләтн арсыр давәрт суртәт ешәлт дын сәттәна вер ләщәтты веритсәңән. Щимәш мет ям хәннехә хурасдал дын сорни нявремәта мойләснән.

Ирина САМСОНОВА



НяврёмӀт вӀндтӀйдтӀ мӀндӀт

КашӀӀ дӀӀ-сӀс Ляминской Ӏшколайн хӀнты ясӀна вӀндтӀты не Галина Павловна Лаптева вӀткӀртӀт эвӀлт хӀнты эвет, пухӀт вӀндтӀйдтӀ шира ӀкӀтл. ДӀӀв лупӀд, хуты итӀх пурайн сем йиӀк такды Ӏн веритл ванты, хутыса пушхиета шеӀк давӀрт ӀӀкидал-ащидал эвӀлт па тӀхия мӀнты. ТӀп дӀӀв няврёмӀта така лупӀд, тӀм йисн нумсӀӀна вӀдтӀ мосл.

ЕшӀӀк Галина Павловна па няврёмӀет, йилуп вӀндтӀйдтӀ од пидӀ! ӀмӀщ вӀндтӀпсы!

Людмила СПИРЯКОВА
ХутӀт верӀс Галина Лаптева



Ханты ясанг
(ХантӀйское слово)
№18 (3414), 19.09.2014

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467)33-36-82

Заместитель главного
редактора – **Вах Н.И.**
Телефон (3467)33-24-02

Ответственный секретарь –
Новыхова Н.В.
Телефон (3467)33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467)33-17-52
E-mail: luima@ugracom.ru
Газета размещена на сайте
www.khanty-yasang.ru

Отпечатано:

ОАО «Издательский дом
«Новости Югры» г. Ханты-
Мансийск, ул. Мира, 46.

Подписано в печать:

по графику 17.09.2014 г.
в 15.00.; фактически
17.09.2014 г. в 15.00.
Индексы **04393, 54393**
Тираж 2210 экз. Заказ 1408.
Цена свободная

Газета зарегистрирована
Управлением Федеральной
службы по надзору в сфере
связи, информационных

технологий и массовых
коммуникаций по
Тюменской области,
ХМАО-Югре и ЯНАО.
Свидетельство о
регистрации ПИ №ТУ 72-
00796 от 23 января 2013г.
Мнение авторов
публикаций не
обязательно отражает
точку зрения
редакции.